

田比陵集二

十卷

四部叢刊初編集部

上海商務印書館縮印
趙氏亦有生齋校刊本

獨孤憲公毘陵集序

內閣中書舍人武進趙懷玉纂

敘曰習爲纂組詎知麻枲之有功長於蓬茨難語阜應之合制文章之道何莫不然故尙藻績者目不暇典謨矯侈靡者口薄言騷雅礪礪之守其失維均不爲沂浴恐昧流別有唐之興體凡三變天寶而後大歷以前燕許云徂韓柳未盛則蘭陵蕭功曹趙郡李員外與常州刺史獨孤憲公實比肩焉蕭雖忤於權門李乃汗夫僞命揆諸文行未免參差公則謙直著於朝宁愷悌洽乎方州凌轍四君見李舟序祖述六藝孝經一卷首志立身孔門諸科幾得具體此其可貴一也唐世文字存者寥寥苟有聞見亟宜購訪而茂挺之作屢收於什一遐叔之製尤援於零星殘篇軼簡人以爲病公則首尾廿卷尙符唐志靈光之殿歸然獨存積玉之圃浩乎無涖菁華所鍾神物加護此其可貴二也退之起衰卓越八代泰山北斗學者仰之不知昌黎固出安定之門安定實受洛陽之業公則懸然天得蔚爲文宗大江千里始濫觴於巴岷黃河九曲肇發源於星宿此其可貴三也琴瑟專壹聽者思遷牲醪日陳食者生倦求其相濟是在兼長公則欲升邦國言炳竹素識大識小亦元亦史語其

矜貴明堂清廟之儀迹彼脩遠青山白雲之概惟昭斯融雖淡不厭此其可貴四也然宋槩既失未聞續雕石渠之外世罕傳本是集從歙縣鮑君廷博假得爲長洲葉氏奕所藏明吳文定寬在東閣時錄出之本也葉以趙氏吳岫本馮氏曹甲本互相參校自謂完書披覽甫周譌舛百出病餘多暇悉意勘讎落葉漸掃珠船屢獲原集之外復得公雜文如千首其謚諡傳有涉於公足資考鏡者竝附篇後於是已三免譌夏五少闕永嘉本出人無還讀之勞宏農帳深客見不傳之祕矣夫沒儀社古形圖去官峴山碑高涕隕行路乘彝攸好靡聞今昔維公盛德克紹前軌故植檜已朽見蔽芾而如蓬召公降露無庭對膏雨而猶思郇伯矧夫譏述彌足珍焉余之爲是刻也亦使人知遺愛勿替廉吏可爲身登九列不若沒世有稱裝累萬金不若名山藏業後之司土同致瓣香學優仕優咸有所勸匪徒表章篇翰蒐輯叢殘苟侈山淵以恣采伐而已乾隆五十六年歲次辛亥秋八月

唐常州刺史獨孤公文集序

朝議大夫前守虔州刺史隴西李舟述

傳曰物生而後有象象而後有滋滋而後有數數成而文見矣始自天地終於草木不能無文也而況於人乎且夫日月星辰天之文也丘隴川瀆地之文也羽毛彪炳鳥獸之文也華葉彩錯草木之文也天無文四時不行矣地無文九州不別矣鳥獸草木之無文則混然而無名而人不能用之矣人無文則禮無以辯其數樂無以成其章有國者無以行其刑政立言者無以存其勸誠文之時用大矣哉在人賢者得其大者禮樂刑政勸誠是也不肖者得其細者或附會小說以立異端或彫訛成言四字英華作以俾對句或志近物以英華作玩童心或順庸聲以諧俚耳其甚者則矯誣盛德汙鱗風教為蠱為英華作為妖為孽噫文之弊有至是者可無痛乎天后時英華作朝廣漢陳子昂獨泝隋波以趨清源自茲作者稍稍而出先大夫常因講文謂小子曰吾友蘭陵蕭茂挺趙郡李遐叔長樂賈幼幾洎所知河南獨孤至之皆憲章六藝能探古人述作之旨賈為令宗巡蜀分命之詔歷歷如西漢時文若使三賢繼司王言或載史筆則典謨訓誥誓命之書可彷彿於將來矣嗚呼三公

皆不處此地而連蹇多故唯獨孤至之常州刺史當年亦促豈天之未欲振斯文耶小子所不能知也已矣常州諱及有遺文三百篇安定梁肅編為上下帙凡英華作二十卷作為後序常州愛士而肅最為所重討論居多故其為文之意肅能言之比葬博陵崔貽孫又為神道碑悉載事行而痛其不登論道之位崔公剛而好直其詞不黨君子謂之知言昔班孟堅美漢得人之盛曰文章則司馬遷相如又曰劉向王褒以文章顯是則四君子者有漢之文雄歟然而遷無鄉曲之譽虧大雅明哲保身之義英華作相如薄於貞操有滌器受金之累向無威儀遺文以繆而身幾不免喪多為歌頌當時議者以為淫靡不急其他無聞焉大較詞人多陷輕躁否則悞狹迂僻於事故弛弛其能蹈履中道可為物主者寡矣孰與常州發論指詞皆王霸大略孝弟之至達於神明善與英華作人交久而敬之當官正色不畏強禦加之以仁惠愛物吏民敬鄉英華作而文又如足乎其餘則二君旣言之矣今竄錄崔氏之作綴於篇末云爾

獨孤憲公毘陵集序

內閣中書舍人武進趙懷玉卷

敘曰習爲纂組詎知麻枲之有功長於蓬茨難語阜應之合制文章之道何莫不然故尙藻績者目不貳典謨矯侈靡者口薄言騷雅礪礪之守其失維均不爲汙沿恐昧流別有唐之興體凡三變天寶而後大歷以前燕許云徂韓柳未盛則蘭陵蕭功曹趙郡李員外與常州刺史獨孤憲公實比肩焉蕭雖忤於權門李乃汗夫僞命揆諸文行未免參差公則謹直著於朝寧愷悌洽乎方州凌轅四君見李舟序祖述六藝孝經一卷首志立身孔門諸科幾得具體此其可貴一也唐世文字存者寥寥苟有聞見亟宜購訪而茂挺之作屢收於什一遐叔之製尤授於零星殘篇軼簡人以爲病公則首尾廿卷尙符唐志靈光之殿巋然獨存積玉之圃浩乎無涖菁華所鍾神物加護此其可貴二也退之起衰卓越八代泰山北斗學者仰之不知昌黎固出安定之門安定實受洛陽之業公則懸然天得蔚爲文宗大江千里始濫觴於巴岷黃河九曲肇發源於星宿此其可貴三也琴瑟專壹聽者思遷性謬日陳食者生倦求其相濟是在兼長公則歛升邦國言炳竹素識大識小亦元亦史語其

矜貴明堂清廟之儀迹彼倚遠青山白雲之概惟昭斯融雖淡不厭此其可貴四也然宋槩既失未聞續雕石渠之外世罕傳本是集從歙縣鮑君廷博假得爲長洲葉氏奕所藏明吳文定寬在東閣時錄出之本也葉以趙氏吳岫本馮氏曹甲本互相參校自詡完書披覽甫周譌舛百出病餘多暇悉意勘讎落葉漸掃珠船屢獲原集之外復得公雜文如干首其詮議誅傳有涉於公足資考鏡者竝附篇後於是已三免譌夏五少闕未嘉本出人無遺讀之勞宏農帳深客見不傳之秘矣夫浚儀社古形圖去官峴山碑高涕隕行路秉彝攸好靡聞今昔維公盛德克紹前軌故植檜已朽見蔽帝而知達召公降露無庭對膏雨而猶思郁伯矧夫譏述彌足珍焉余之爲是刻也亦使人知遺愛勿替廉吏可爲身登九列不若沒世有稱裝累萬金不若名山藏業後之司土同致瓣香學優仕優咸有所勸匪徒表章篇翰蒐輯叢殘苟侈山淵以恣采伐而已乾隆五十六年歲次辛亥秋八月

唐常州刺史獨孤公文集序

朝議大夫前守虔州刺史隴西李舟述

傳曰物生而後有象象而後有滋滋而後有數數成而文見矣始自天地終於草木不能無文也而況於人乎且夫日月星辰天之文也丘隴川瀆地之文也羽毛彪炳鳥獸之文也華葉彩錯草木之文也天無文四時不行矣地無文九州不別矣鳥獸草木之無文則混然而無名而人不能用之矣人無文則禮無以辯其數樂無以成其章有國者無以行其刑政立言者無以存其勸誠文之時用大矣哉在人賢者得其大者禮樂刑政勸誠是也不肖者得其細者或附會小說以立異端或彫斲成言四字英華作以裨對句或志近物以英華作玩童心或順庸聲以諧俚耳其甚者則矯誣盛德汙黷風教為蠱為毒英華作為妖為孽噫文之弊有至是者可無痛乎天后時英華作朝廣漢陳子昂獨泝賸波以趨清源自茲作者稍稍而出先大夫常因講文謂小子曰吾友蘭陵蕭茂挺趙郡李遐叔長樂賈幼幾洎所知河南獨孤至之皆憲章六藝能探古人述作之旨賈為宗宗巡蜀分命之詔歷歷如西漢時文若使三賢繼司王言或載史筆則典謨訓誥誓命之書可彷彿於將來矣嗚呼三公

皆不處此地而連蹇多故唯獨孤至之常州刺史高年亦促豈天之未欲振斯文耶小子所不能知也已矣常州諱及有遺文三百篇安定梁肅編為上下帙凡英華作分二十卷作為後序常州愛士而肅最為所重討論居多故其為文之意肅能言之比葬博陵崔貽孫又為神道碑悉載事行而痛其不登論道之位崔公剛而好直其詞不黨君子謂之知言昔班孟堅美漢得人之盛曰文章則司馬遷相如又曰劉向王褒以文章顯是則四君子者有漢之文雄歟然而遷無鄉曲之譽勝大雅明哲保身之義英華作相如薄於貞操有滌器受金之累向無威儀遺文以繆而身幾不免褒多為歌頌當時議者以為淫靡不急其他無聞焉大較詞人多陷輕躁否則恆狹迂僻於事故弛其能蹈履中道可為物主者寡矣孰與常州發論措詞皆王霸大略孝弟之至達於神明善與英華作人交久而敬之當官正色不畏強禦加之以仁惠愛物吏民敬鄉英華作而文又如足乎其餘則二君既言之矣今竄錄崔氏之作綴於篇末云爾

毘陵集卷第一

三

朝散大夫使持節常州諸軍事守常州刺史賜紫金魚袋獨孤及

賦

夢遠遊賦

詩上二十三首

壬辰歲過舊居

夏中酬于述畢耀問病見贈

三月三日自京到華陰水亭獨酌寄裴六薛八

海上寄蕭立

唐文粹作五

酬梁二十宋中所贈兼別梁少府

東平蓬萊驛夜宴平盧楊判官醉後贈別姚太

守置酒留宴

觀海

雨後公超谷北原眺望寄高拾遺

丙戌歲正月出洛陽書懷

季冬自嵩山赴洛道中

代書寄裴冀劉頴

客舍月下對酒醉後別畢四驥

庚子歲避地至玉山訓韓司馬所贈

下弋陽江舟中代書寄裴侍御

題思禪寺上方

蚤發若岷驛望廬山

癸卯歲赴南豐道中聞京師失守寄權士繇韓

幼深

初晴抱琴登馬退山對酒望遠醉後作

賈員外處見中書賈舍人巴陵詩集覽之懷舊

代書寄贈

寒夜溪行舟中作

江上代書寄裴使君

與韓侍御同尋李七舍人不遇題壁留贈

李張皇甫閻權等數公竝有送別之作見寄因

題荅

賦

夢遠遊賦

老氏稱吾所以有大患者爲吾有身大哉聖人之知微
乎夫生者一氣之暫聚耳有天地之和自然之力以運
其行止節其天壽非智力之所能扶明矣而舉世矻矻
莫不保持形骸謂爲已有執迷妄往而不返小者懷禮
樂竊忠信以買譽大者盜天地之權至於忘身道德之
衰皆英華誤此物也余生於浮而長於妄汨沒當世與羣

動俱智不能逃形於名聲之輻輳脫屣於冠冕之籠檻
及其世界顛倒萬物反覆始返照收視以觀身世然後
知一生之患假合豈直芻狗土苴英華一作梗一熱饑聚沫而
已則我之身也與百憂偕長沉重險之中乎思欲沖三
清出五濁乘凌虛極與造物者爲伍莫有由矣嘗中夜
夢飛昇太空若有以名跡見誦者覺而自失乃爲賦以
狀遠遊且旌悟道之晚也其詞曰

仰太素兮觀元精之煙煴執官司乎物物兮得流形而
爲人太皞遺我八卦藏天地於文字黼而黻之爲聖爲
智褒衣之徒相與擊建鼓而揭日月兮奔孝慈而走仁
義其英華一作而弊也古是而今非身賤而名貴驂驪駁還
兮道路屯雲而奔波絢煥轆轤兮玉帛鐘鼓之駢羅霍
熒英華一作熒兮心懸天地而火馳蒼黃兮得未終也而失已
繼之百骸與日月竝走英華一作馳五藏與哀樂交戰義和
未及頭嚙榮枯紛而萬變何生涯之倥傯兮塞吾降此
中州憑世道以上下若涉水而無津兮與吹萬同其波
流況世緒塊軋英華一作比兮如莽絲之相縈英華一作纏一見辰極
之低昂兮知杞人之殷憂顧冤呀以蝕月兮天地閉而
雲愁鳳凰焚其故巢兮趨舊國以失傳埃壙燭以上薄
兮虞羅紛其四周吾始未知夫六合湫隘之若此孰與

吾兮遠遊豈無太清之路兮夫何漫漫而超遙望帝鄉
之低徊兮敬白雲與之偕逝澄予神於遙夜與顛氣期
乎無垠眞境初穆以仿感精誠薰然而來親歛乘夢以
奮飛博至靈英華一作虛以上賓望見碧落天地如掌洞開
八門別有萬象亭亭物外乘化直上身世雙遣英華一作遣獨
與道往其往也泛兮若遊魚振鱗而泳清川問兮若胡
雁得順風而緣秋天忽不知誰之身夫何爲者果英華一作果
深入空界七耀在下問予津於混茫兮蹇倘佯以延佇
若有人兮縹緲指人間以唱予曰鳳兮鳳兮何德之騁
天固枉若以禮義梏若以機事盡支離其德而起英華一作起
迷乎物累使逸翮可得而籠樊兮孰云夫吾毛英華一作毛
作五之自異天運地載剛柔生焉千變萬化如環無端
彼與廢興往復同大壑之波瀾將令歸根明微其源則
吾與若皆幻也又奚睢盱於其間幻未始有封物未始
有壘成則虧進則傷無汨而和無易而方山立其中央
善汝行密汝藏道將自光吾在大羅之上元都之所乾
坤爲家日月爲宇噓吸元氣太虛之下音尙一乃心勿
謂道阻遊乎無窮吾願見汝奉眞告以自省兮五情慙
英華其增熱哀攀龍之無階兮思過英華一作過一天之曷月
未知去下方幾萬億兮退將返遵吾歸轍脩玉虛以下

降濟銀漢以中歇憑東井以俯視識故國之城關千門

萬戶遙如蟻穴百川綺分五嶽羅列覓舊山與喬木纔

依稀而明滅見伊川英華一之字大道鞠爲戎狄歷陽故人半

作魚鼈英華一作龜翼之奔命於市朝者如紛紜飛馳譟譟

嗤嗤蹙蹙踟躕有翹陸離若幾風之聚壤絮蜘蛛之乘

遊絲吾乃英華乃字下今日識羣動之變態兮茫然倚

長空而笑之亦既自得周覽未畢惕焉形開萬象如英華

都一作失羣有儼以皆作百慮續其來歸乃夙昔之人實

始故時之喧卑向之俯仰欣感無非妄者然後知吾之

生也與妄英華有皆字生邪氣乘之萬緣合并爲憂爲思爲

虧爲盈彼君子英華有方碌碌然自以爲覺猶飾妄以

賈名安知聖人不以世界爲重陸生死爲大夢視變化

與英華一品類亦猶英華一作由神交英華有飛動與遺英華

貴一作物以顧身兮悟生浮而質陋以一氣之倏英華忽

與萬化而紛糅自視英華一作俄然寄形宇宙尙何能濡首

於榮辱之境甘心英華一作口於哀樂之閒鶴鶴于飛載翮

載翮英華一作翮君子至止栖息化元獨立道英華一作載樞

怡神胚渾萬物轉薄吾眞長存止水不波浮雲無根與

時盈虛委質乾坤倚伏相軋吉凶同源物各自爾子欲

無言優哉游哉聊以窮年

詩上

壬辰歲過舊居

少年事遠遊出入燕與秦離居歲周天猶作勞歌人負

劍度潁水歸馬自知津緣源到舊盧攬涕尋荒墓鄰里

喜相勞壺觴展慰勸酒闌擊筑語及此離會因丈夫隨

世波豈料百年身今日負鄒願多慙故山春

夏中訓子遂畢燿問病見贈

秋物智所昧學仙願未從行藏兩乖角踰躐風波中薄

宦恥降志文粹作倫臥病非養蒙閉關涉雨旬羈思浩

無窮驚驚何處來雙舞下碧空離別隔雲雨惠然此相

逢把手賀疾問舉杯欣酒濃新詩見久要清論激深衷

高館舒夜簾開門延微風火雲赫嵯峨日暮千萬峯遙

指故山笑相看撫就鐘聲和由心親事感和氣同出處

未易料且歌緩愁容願君崇明德歲暮如青松

三月三日自京到華陰水亭獨酌寄裴六薛八

祇役匪遑息經時客三秦還家問節候知到上巳辰山

縣何所有高城閉青春和風不吾欺桃李滿四鄰舊友

適遠別誰當接歡忻呼兒命長瓢獨酌湘吳醇一酌一

聊詠既酬意亦申言筌覽兩忘霞月祇相新裴子座表

物薛侯席上珍寄書二徵吏何日同車商詎有使空名

終然羈此身他年解桎梏長作海上人

海上寄蕭立

唐文粹作五

朔風剪寒草寒露日夜結行行到

文粹作屈

瀛壖歸思生暮

節驛樓見萬里延首望遠碣遠海入大荒平蕪際窮髮

舊園在夢想故人胡且

文粹作且胡

越契闊阻風期在再成

雨別海西望京口兩地各天末索居動經秋再笑知曷

月日南望中

文粹作日窮南望

盡唯見飛鳥滅音塵未易得何

由

文粹作以慰飢渴

訓梁二十宋中所贈兼畱別梁少府

少讀黃帝書官不笑機事意猶負深衷未免名跡累厭

貧學干祿欲徇賓王利甘爲風波人豈復江海意擔簦

平臺下是日飲羈思逢君道寸心翹喜一交臂緒言未

及竟離念已復至甯陵望南丘雲雨成兩地途殊迹方

間河廣流且駛暮帆望不及竟贈心欲醉愛君如金錫

昆弟皆茂異奔赫連絲衣榮養能錫類君子道未長深

藏青雲器巨鱗有縱時今日不定

定字俗改足吳本亦作足議唯當

加餐飯好我袖中字別離動經年莫道分首易

東平蓬萊驛夜宴平盧楊判官醉後贈別姚太守

置酒畱宴

驛樓漲海壖秋月寒城邊相見自不足況逢主人賢夜

清酒濃人如玉一斗何啻直十千木蘭爲樽金爲杯江
南急管盧女弦齊童如花解郢曲起舞舞激楚歌採蓮固
知別多相逢少樂極哀至心嬋娟少畱莫辭醉前路方
悠然明日分飛儻相憶祇應遙望西南天

觀海

北登渤澥島迴首秦東門誰尸造物功鑿此天池源瀕

洞吞百谷周流無四垠廓然混茫際望見天地根白日

自中吐扶桑如可

吳本作何

捫迢遙蓬萊峯想像金臺存秦

帝昔經此登臨冀飛翺揚旌百神會望日羣山奔徐福

竟何成羨門徒空言唯見石橋足千年潮水痕

雨後公超谷北原眺望寄高拾遺

崖口雨足收清光洗高天虹蜺歛殘靄山水含碧鮮遠

空霞破露月輪薄雲片片成魚鱗五陵如薺渭如帶日

極千里關山春朝來爽氣未易說盡取花峯贈遠人

丙戌歲正月出洛陽書懷

往歲衣褐見受服金馬門擬將忠與貞來酬主人恩天

地壑雷雨洪波生平原窮鱗遂踴躍夙昔事罕存幸逢

帝出震授鉞清東藩白日忽再中萬方咸駿奔王風從

西來春光滿乾坤蟄蟲競飛動余亦辭籠樊遭遇恩自

強寵辱安足言唯將四方志迴首謝故園

季冬自嵩山赴洛道中作

皇運偶中變長蛇食東土天蓋西北傾衆星殞如雨胡
塵動地起千里聞戰鼓死人成爲阜流血塗草莽策馬
何紛紛捐軀抗豺虎甘心赴國難誰謂荼葉苦天子初
受命省方造區宇斬鯨安溟波截龍作天柱三微復正
統五玉歸文祖不圖漢官儀今日忽再覩升高混京邑
佳氣連海浦寶鼎歆景雲明堂舞千羽虎臣口激昂口
口口禦侮腐儒著縫掖何處議鄒魯西上轅轅山丘陵
橫今古和風蒸萬物臘月春霽吐得爲太平人窮達不
足數他日遇封禪著書繼三五

代書寄裴六冀劉二穎

昔余馬首東君在海北音入盡屏傳領書相與讀巖
穴載來詣佳境每山有車轍長嘯林木動高歌唾壺缺
此辭月末周虜馬嘶絳闕猛虎踞大道九州當中裂聞
君棄孤城猶自握漢節恥極惡木影忍與故山別脫烏
挂嶺雲罔然若鳥逝聲入唯聞潺湲水分付練溪月爾來
大谷梨白花再成雪關梁限天險歡樂竟兩絕大盜近
削平三川今底寧勾芒布春令屏翳收雷霆伊洛日夜
漲鳴皋蘭杜青鸞鸞兩黃鶴何處遊青冥昔切玉刀
應如新發矖及時當樹勳高懸景鐘銘莫拖一作白雲

意徑往丹丘庭功成儻長挹然後謀滄溟

客舍月下對酒醉後寄畢四曜

鄉路風雪深生事憂患迫天長波瀾廣高舉無六翮獨
立寒夜移幽境思彌積霜月照騰淨銀河入蒼白沽酒
聊自勞開樽坐簾櫺主人奏絲桐能使高興劇清機覽
無累獻辭更駭驛慷慨葛天歌惜情廣陵陌既醉萬事
遺耳熱心亦適視身兀如泥瞪目傲今昔故人間城關
音信兩脈脈別時前盟在寸景莫自擲先是畢贈及詩
日月速若飛忽然
人身飲酒不須疑心與白日關十無一滿百寓形薪
火內甘作天地客與物無親疎斗酒勝竹帛何必用自
苦將貽古賢責

庚子歲避地至玉山調韓司馬所贈

滄海疾風起洪波駭恬籟已無濟川分甘作乘桴人揮
手謝秣陵舉帆指甌閩安知風塵表偶與瓊瑤親共悲
行路難況逢江南春故園忽如夢返復知何辰曠野豺
虎滿深山蘭蕙新在君滿陵什迴首徒酸辛

下弋陽江舟中代書寄裴侍御

故鄉隔西日去水連長天前路知幾許但指天南邊惟
恨極浦外隱映青山連東風滿帆來五兩如弓弦遙羨
繡衣客問然馬首先得餐武昌魚不顧潯陽田屈指數

別日忽乎成兩年百花已滿眼春草漸碧鮮豈是離居時奈何于役牽洞庭有深涉曷日期歸旋且作異鄉料詎知攜手緣離憂未易銷莫道樽酒賢

題思禪寺上方

溪口聞法鼓停機登翠屏攀雲到金界合掌開禪局鬱律衆山抱空濛花雨零老僧指香樓云是不死庭文粹作亭非眇眇於越路茫茫春草青遠山噴百谷繚繞馳東溟日極道文粹作想何在地照心亦冥驤然諸根空破結如破瓶下視三界狹但聞五濁腥山中有良藥吾欲墮天形

早發若岷驛望廬山

雨罷山翠鮮冷泠東風好斷崖雲生處是向峯頂道誰謂峯頂遠歧予可瞻討忘緣祛天機脫疑恨不早祇恐歲云暮遂與空名老心往迹未并慙媿山上車

深

種田不遇歲策名不遭時胡塵晦落日西望泣路岐猛虎嘯北風腐廢皆載馳深泥駕疲牛蹉跎余何之詰屈白道轉繚繞清溪隨荒谷嘯山鬼深林啼子規長歎指故山三奏歸來詞不逢眼中人調苦車倭遲士繇松筠操幼深瓊樹姿別來平安不何階一申肩白雲失帝鄉

遠水限天涯昂藏雙鳳局月還兩枝努力愛華髮盛年振羽儀但令速難康不負滄洲期莫作新亭泣徒使夷吾嗤

初晴抱琴登馬退山對酒望遠醉後作

年長心易感況爲憂患纏壯圖迫世故行止兩茫然王旅方伐叛虎臣皆被堅魯人著儒服甘就南山田挈榼上高磴超遙望平川滄江大如經隱映入遠天荒服何所有山花雪中燃寒泉得日景吐雷一作鳴滿滿舉酒勸白雲唱歌慰頽年微風度竹來韻我號鍾莎一彈一引滿耳熱知心宣曲終余亦酣起舞山水前人生幾何時大半百憂煎今日羈愁破始知濁酒賢

書寄贈

海岸望青瑣雲長天漫漫十年不一展知有關山難適逢阮始平立馬問平安取公詠懷詩示我江海瀾蹇若窺武庫森然矛戟寒眼明遺頃風心悅忘朝餐大駕今返正熊羆扈鳴鑾公遊鳳凰沼獻可在筆端繫越有長纓封關祗一丸罔然翔寥廓仰望慙羽翰嘉會不我與相思歲云殫唯當就佳句持比青琅玕

寒夜溪行舟中作

日沈諸山昏寂歷羣動宿孤舟獨不繫風水夜相逐雲
歸恒星白露下天地肅月輪大如盤金波入空谷魏闕
萬里道羈念千慮東倦飛思故巢敢望梧與竹沈吟登
樓賦中夜起三復愛來無良方歸候春酒熟

江上代書寄裴使君

何地離念劇江臯風雪時艱難傷遠道老大怯前期疇
昔行藏計祇將力命推能令書信數猶足緩相思

與韓侍御同尋李七舍人不遇題壁畱贈

三徑何寂寂主人山上山亭空簷月在水落釣磯閒藥
院雞犬靜酒壚苔蘚斑知君少儻事當待暮雲還

李張皇甫閭權等數公竝有送別之作見寄因

錄有答
題字

洞庭正波蘋葉衰豈是秦吳遠別時謝君懷中綺端贈
何以報之長相思

毘陵集卷第一終

毘陵集卷第二

朝散大夫使持節常州諸軍事守常州刺史賜紫金魚袋獨孤及
詩中三十一首

送陳兼應辟兼寄高適賈至

早發龍沮館舟中寄東海徐文粹司倉鄭司戶

海上懷華中舊遊寄鄭縣劉少府造渭南王少

府登

將還越畱別豫章諸公

雜詩

山中春思

傷春懷歸

九月九日李蘇州東樓宴

李卿東池夜宴

將赴京荅李紆贈別

江寧訓鄭縣劉少府兄贈別作

送虢州王錄事之任

送長孫將軍拜欽州之任

送何員外使湖南

送江陵全少府赴任

送虞秀才之長沙

送陽翟張主簿之任

送李賓客荆南迎親

酬常邵縣見贈

送游員外赴淮西

送馬鄭州

蕭文學山池宴集

送荆南張判官

送義烏韋明府

送相里郎中赴江西

和虞部韋郎中尋楊駙馬不遇

和贈遠

和題蘇架

官渡柳歌送李員外承恩赴揚州觀省

同岑郎中屯田韋員外花樹歌

奉和李尚書晝射虎圖歌

送陳兼應辟兼寄高適賈至

結綠處燕石卞和不必知所以王佐才未能忘茅茨罷
官梁山外穫稻楚水湄適會傳嚴人虛舟濟川時天網
忽搖頓公才難棄遺鳳皇翔千仞今始一鳴岐上馬指
國門舉鞭謝書惟預知大人賦掩卻歸來詞天子方在

省朝廷張四維料君能獻可努力副時咨舊友滿皇州
高冠飛翠艇相逢絳闕下應道軒車遲高侯秉戎輪策
馬觀西夷方從幕中事參謀王者師賈生去洛陽焜耀
琳瑯姿芳名動百步逸韵凌南皮肅肅舉鴻毛冷然順
風吹波流有同異由是限別離漢塞隔隴底秦川連錦
池白雲日夜滿道里安可思夢想浩盈積物華愁變衰
因君附錯刀送遠益懷其四海各橫絕九霄應易期不
知故巢鷺決起棲何枝

蚤發龍沮館舟中寄東海徐

文粹

司倉鄭司戶

沙禽相呼曙色分源浦鳴榔十里聞正當秋風度楚水

況值遠道傷離羣津頭卻望後湖岸別處已隔東山雲

停

文粹

鱸目送北歸翼惜無瑤華持寄君

海上懷華中舊遊寄鄭縣劉少府造渭南王少府

奎

涼風臺上三峯月

王任鄭縣日於城南築小臺號涼風臺每與數公置酒登臨望二華雲月

不夜城邊萬里沙離別莫言關塞遠夢魂長在子真家

將還越西別豫章諸公

客鳥倦飛思舊林徘徊猶戀衆花陰他時相憶雙航葦

莫問吳江深不深

雜詩

百花結成子春物捨我去流年惜不得獨坐文粹作立空闌
暮心自有所待甘爲物華誤未必千黃金買得一人顧

山中春思

嶺祭川水大人家春日長獨滿畫不暮搔首慙年芳靡
草知節換含葩向新陽不嫌三逕深爲我生池塘亭午
井窺閑雀聲響空倉花落沒屐齒風動羣木香歸路雲
水外天涯杳茫茫獨卷萬里心深入山鳥行芳景勿相
迫春愁未遽忘

傷春懷歸

誰謂鄉可望望在天地涯但有時命同萬里共歲華昨
夜南山雨殷雷折萌芽源桃不余欺先發秦人家寂寂
戶外掩遲遲春日斜源桃默無言秦人獨長嗟不惜中
腸苦但言會合賒思歸吾誰訴笑向南枝花

九月九日李蘇州東樓宴

是菊花開日當君乘興秋風前孟嘉帽月下庾公樓酒
解重征客歌能破別愁醉歸無以贈祇奉萬年酬

李卿東池夜宴

得池字

政成機不擾心愜宴忘疲去燭延高月傾壘就小池舞
盤迴雪動弦奏躍魚隨自是山公興誰令下士知

將赴京荅李紆贈別

膠漆常一作長投分荆蠻各倦遊帝鄉今獨往薄木便分
流甘作遠行客深慙不繫舟思君帶將綬豈直日三秋

江寧訓導鄭縣劉少府兄贈別作

往年脫縫掖接武仕關西結綬腰章竝趨階手板齊仙
山不用買朋酒日相攜抵掌誇譎諍忘情向組珪事還
時旣往年長跡逾曠何爲青雲器獨嗟濁水泥役牽方
遠別道在或先迷莫見良田晚遭時亦杖藜

送號州王錄事之任

謂子文章達當年羽翼高一經俄白首三命尙青袍未
遇須藏器安卑莫告勞盤根儻相值試用發礪刀

送長孫將軍拜嶽州之任

臨難敢橫行遭時取盛名五兵常典校四十又專城浪
逐樓船破風從虎竹生島夷今可料繫頸有長纓

送何員外使湖南

夙昔皆黃綬差池復瑣闥上田無晚熟逸湖果先飛前
路舟休繫故山雲不歸王程儻未復莫道經書稀

送江陵全少府赴任

冢司方資選劇縣得英髦固是攀雲漸何嗟趨府勞楚
山迎驛路漢水漲秋濤壽翁方茲始看君六關高

送虞秀才擢第歸長沙

充賦名今遂安親事不違甲科文比玉歸路錦爲衣海
運同鯤化風帆若鳥飛知君到三逕松菊有光輝

送陽翟張主簿之任

舊聞陽翟縣西接鳳高山作吏同山隱知君處劇閑少
年當效用遠道豈辭艱遲子揚名後方期綵服還

送李賓客荆南迎親

宗室劉中壘文場謝客兒常爲天北斗曾使海西陸旄
節精誠著銅樓羽翼施還申供帳別言赴倚門期恩渥
常行李晨昏在路岐君親兩報遂不敢議傷離

訓常郎縣見贈

愛君脩政若脩身縲紲來歸乳雉馴堂上五弦銷暇日
邑中千室有陽春謂乘鳧舄朝天子卻嫌猪肝累主人
辭後讀君懷縣作定知三歲字猶新

送游員外赴淮西

多君有奇略投筆佐元戎已佩郎官印兼乘御史驄使
星隨驛騎歸路有秋風其道無書札他年懷袖空

送馬鄭州

使君朱兩轡春日整東轅芳草成臯路奇山涼水源勉
修循吏跡以謝主人恩當使仁風動遙聽輿誦讀

蕭文學山池宴

檀欒千畝綠知是辟疆園遠岫當庭戶諸花覆水源主
人邀盡醉林鳥助狂言其間愁多少今皆付酒樽

送別荆南張判官

輪車駱馬往從誰夢浦蘭臺日更遲欲識桃花最多處
前程問取武陵兒

送義烏章明府

妙年能致身陳力復安親不憚關山遠寧辭簿領勤過
江雲滿路到縣海爲鄰每歎違心賞吳門正早春

送相里郎中赴江西

君把一尺詔南游濟滄浪受恩忘險艱不道岐路長戎
狄方構患休牛殊未遑三秦千倉空戰卒如餓狼委輸
資外府詎謀寄賢良有才當陳力安得遂翱翔豈不慎
井賦賦均人亦康遙知軒車到萬室安耕桑火伏金氣
騰旻天欲蒼茫寒蟬慘巴鄧秋色愁沅湘昨日攜手西
於今云再黃歇娛詎幾許復向天一方踴躍話世故惆
悵舉離觴共求數刻歡戲謔君此堂今日把手笑少時
各他鄉身名同風波聚散未易量曷月還朝天及時開
智囊前期儻猶闊加飯勉自強

和虞部韋郎中尋楊駙馬不遇

金屋瓊臺蕭史家暮春三月渭川花到君仙洞不相見

謂已吹簫乘早霞

和贈遠

憶昔去年春風至中庭桃李瑱瑱美人挾瑟對芳樹
玉顏亭亭與花雙今年新花如舊時去年美人不在茲
借問離居恨深淺祇應獨有庭花知

和題藤架

葦葦葉成幄璀璨花落架花前離心苦愁至無日夜人
去藤花千里強藤花無主爲誰芳相思歷亂何由盡春
日迢迢如線長

官渡柳歌送李員外承恩往揚州觀省

君不見官渡河兩岸三月楊柳枝千條萬條色一一勝
綠絲花作鉛粉絮葉成翠羽帳此時送遠人悵望春水
上遠客折楊柳依依兩含情夾郎木蘭舟送郎千里行
郎把紫泥書東征親庭聞脫卻貂襜褕新著五彩衣雙
鳳并兩翅將鶴東南飛五兩得便風幾日到揚州莫貪
揚州好客行刺淹留郎到官渡頭春闌已應久殷勤道
遠別爲謝大隄柳攀條儻相憶五里一迥首明年柳枝
黃問郎還家否

同岑郎中屯田韋員外花樹歌

東風動地吹花發渭城桃李千樹雪芳菲可愛不可留

武陵歸客心欲絕金華省郎情佳辰祇將棣萼照青春
君家自是成蹊處況有庭花作主人

和李尙書畫射虎圖歌

飢虎呀呀立當路萬夫震恐百獸怒彤弓金鉞當者誰
鳴鞭飛控流星馳居然畫中見真態若務除惡不顧私
時和年豐五兵已白額未誅壯士恥分銖遠邇懸轂中
不中不發思全功捨矢如破石可裂應弦盡敵山爲空
殺氣滿堂觀者駭振若崖谷生長風精微入神在毫末
作續造物何同功方叔秉鉞受命新丹青起子氣益振
底綏靜難功可擬嗟嘆不足聲成文他時代天育萬物
亦以此道安斯民

毘陵集卷第二終